

ანგარიში მხარჯავი დაწესებულების პროგრამების და

ქვეპროგრამების შესახებ

საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო, 34 00
(მხარჯავი დაწესებულების დასახელება, პროგრამული კოდი)

სახელმწიფო ბიუჯეტის პრიორიტეტი, რომლის ფარგლებშიც ხორციელდება პროგრამა:

იძულებით გადაადგილებულ პირთა და მიგრანტთა სახელმწიფო მხარდაჭერა და რეინტეგრაციის ხელშეწყობა;

1.1 პროგრამის დასახელება და პროგრამული კოდი: იძულებით გადაადგილებულ პირთა და მიგრანტთა ხელშეწყობის მიზნით სახელმწიფო პოლიტიკის შემუშავება და პროგრამების მართვა, (34 01).

პროგრამის განმახორციელებელი: საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს ცენტრალური აპარატი, ტერიტორიული ორგანოები.

პროგრამის კოდი	დასახელება	წლიური დამტკიცებული მოცულობა (ათას ლარებში)	წლიური დაზუსტებული მოცულობა (ათას ლარებში)	საანგარიშო პერიოდის საკასო შესრულება (ათას ლარებში)	საკასო შესრულების % წლიური დაზუსტებულ გეგმასთან მიმართებაში
34 01	იძულებით გადაადგილებულ პირთა და მიგრანტთა ხელშეწყობის მიზნით სახელმწიფო პოლიტიკის შემუშავება და პროგრამების მართვა	8 903.0	9 120. 2	1947.9	21.4%

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

მობილურობის ცენტრის მომსახურებით ისარგებლა 142-მდე დაბრუნებულმა მიგრანტმა, მათ შორის: სამედიცინო კონსულტაცია გაიარა 20-მა ბენეფიციარმა, 13-ს დაუფინანსდა სხვადასხვა სახის სამედიცინო მომსახურება და მედიკამენტებით უზრუნველყოფა, პროფესიული სწავლების კურსები დაუფინანსდა 6 ბენეფიციარს, ბიზნეს-ტრენინგი გაიარა 49 ბენეფიციარმა და 46-მა დაბრუნებულმა მიგრანტმა მიიღო მცირე ბიზნეს-გრანტი, ხოლო თვითდასაქმების

ხელშეწყობის მიზნით საჭირო ხელსაწყოებით უზრუნველყოფილ იქნა 20 ბენეფიციარი.

საანგარიშო პერიოდში მობილურობის ცენტრის მიგრანტთა ინფორმირებისა და კონსულტაციის განყოფილების მიერ საქართველოს მასშტაბით ჩატარდა 15 საინფორმაციო შეხვედრა, ქ. თბილისში, ქ. ქუთაისში, ქ. ბათუმსა და ქ. თელავში, სადაც მიგრაციის თემით დაინტერესებულ მოქალაქეებს მიეწოდათ სანდო და უახლესი ინფორმაცია სხვადასხვა საკითხებზე, როგორცაა ლეგალური დასაქმების შესაძლებლობები და მათი სანდოობა საზღვარგარეთ, სავიზო პროცედურები და უცხო ქვეყანაში ცხოვრების წესები, სწავლა საზღვარგარეთ და გაცვლითი პროგრამები, მუდმივი ბინადრობა და თავშესაფარი, მიგრანტთა უფლებები, ტრეფიკინგის საფრთხეები, არალეგალურ მიგრაციასთან დაკავშირებული რისკები და მათი პრევენცია და სხვა.

საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო „სარეინტეგრაციო დახმარება საქართველოში დაბრუნებული მიგრანტებისათვის“ პროგრამის ფარგლებში გასცემს გრანტს არასამთავრობო ორგანიზაციებზე 12 მიმართულებით. აღნიშნული პროგრამა მოიცავს სამედიცინო მომსახურებისა და მედიკამენტების დაფინანსებას, პროფესიულ სწავლებას, სოციალური პროექტების დაფინანსებასა და ანაზღაურებად სტაჟირებას. პროგრამა მოიცავს ქ.თბილისს, ქვემო ქართლის, მცხეთა-მთიანეთის, სამცხე-ჯავახეთის, შიდა ქართლისა და სამეგრელო-ზემო სვანეთის რეგიონებს. საანგარიშო პერიოდში სამინისტრომ გამოაცხადა საგრანტო კონკურსი, რის შედეგადაც გამოვლინდა გამარჯვებული ორგანიზაციები: ა(ა)იპ „მიგრაციის, ინტეგრაციისა და განვითარების საერთაშორისო გაერთიანება“, ა(ა)იპ „საზოგადოებრივი დამცველი“, ა(ა)იპ „საქველმოქმედო ჰუმანიტარული ცენტრი „აფხაზეთი“ და ა(ა)იპ „საქართველოს დემოგრაფიული აღორძინების ფონდი“. ამავე პროგრამის ფარგლებში, გამოცხადდა საგრანტო კონკურსი იურიდიული მომსახურების დაფინანსებისა და საზოგადოების ინფორმირებულობის პროგრამების დაფინანსების მიმართულებით.

საანგარიშო პერიოდში საცხოვრებელი სახლის მოძიების განაცხადით სამინისტროს მომართა 184-მა სტიქიით დაზარალებულმა ოჯახმა, აღნიშნული ოჯახების დაზარალების დადგენის მიზნით წერილობითი მოთხოვნა დაეგზავნა მუნიციპალიტეტების გამგეობებს. სამინისტროში არსებული განაცხადების შეფასების შემდეგ, მინისტრის 2013 წლის 13 ნოემბრის N779 ბრძანებით შექმნილმა კომისიამ დაკმაყოფილების მიზნით, პირველი ეტაპისათვის შეარჩია 42 ოჯახი, რომელთაც მიეცათ ერთთვიანი ვადა, რათა მათი საჭიროებების გათვალისწინებით მოეძებნათ საცხოვრებელი სახლი და ინფორმაცია წარმოედგინათ სამინისტროში. 34 ოჯახის მიერ შერჩეული საცხოვრებელი სახლის მონაცემები ტექნიკური მდგომარეობისა და საბაზრო ღირებულების დადგენის მიზნით, გადაეგზავნა ლევან სამხარაულის სახელობის სასამართლო ექსპერტიზის ეროვნულ ბიუროს.

საანგარიშო პერიოდში სამინისტროში განსახილველად შემოვიდა ლტოლვილთა და ჰუმანიტარული სტატუსის მძიებელთა 277 აპლიკაცია 452 პირზე. შემოსული აპლიკაციების განხილვის შედეგად ჰუმანიტარული სტატუსი მიენიჭა 340 პირს, ლტოლვილის სტატუსი მიენიჭა 39 პირს, ხოლო თავშესაფრის (ლტოლვილის ან ჰუმანიტარული სტატუსი) მინიჭებაზე უარი განეცხადა 32 პირს.

საქმის წარმოება პირადი განცხადების საფუძველზე შეწყდა 156 პირზე, ხოლო პროცედურებზე გამოუცხადებლობის გამო - 220 პირზე.

საანგარიშო პერიოდში შევსებულია დევნილთა უძრავის ქონების 26 დეკლარაცია. მოხდა 50 შევსებულ დეკლარაციაში ჩამატებების შეტანა. მიმდინარეობს უძრავი ქონების დეკლარაციების მონაცემთა ბაზის ინტეგრაციისათვის ტექნიკური სპეციფიკაციების შესწავლა-შეჯერება და დევნილთა მონაცემთა ბაზასთან ინტეგრაციის პროცესი. საჯარო რეესტრის ეროვნულ სააგენტოს მიერ ინფორმაციის განთავსების შესაძლებლობის უზრუნველყოფისათვის მიმდინარეობს წარმოსადგენი გვერდის ტესტირება.

მარტყოფში განთავსებულ თავშესაფრის მაძიებელთა მიმღებ ცენტრში განხორციელდა ობიექტის დაცვის მომსახურების შესყიდვა და დაფინანსდა ცენტრის კომუნალური ხარჯები. ასევე, თავშესაფრის მაძიებელთა საქმეების განხილვის უზრუნველსაყოფად განხორციელდა თარჯიმნის მომსახურების შესყიდვა.

1.2 პროგრამის დასახელება და პროგრამული კოდი: განსახლების ადგილებში დევნილთა შენახვა და მათი საცხოვრებელი პირობების გაუმჯობესება, (34 02).

პროგრამის განმახორციელებელი: საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს ცენტრალური აპარატი

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	საანგარიშო პერიოდის საკასო შესრულება	საკასო შესრულების % წლიური დაზუსტებულ გეგმასთან მიმართებაში
34 02	განსახლების ადგილებში დევნილთა შენახვა და მათი საცხოვრებელი პირობების გაუმჯობესება	61 097.0	60 879.8	10 357.7	17.0%

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

„იძულებით გადაადგილებულ პირთა - დევნილთა მიმართ 2012-2014 წლებში სახელმწიფო სტრატეგიის განხორციელების სამოქმედო გეგმის“ ფარგლებში განხორციელდა სახელმწიფოს დაქვემდებარებაში მყოფი კომპაქტურად განსახლების ობიექტების დევნილთათვის კერძო საკუთრებაში გადაცემა, რომლის ფარგლებში გადამოწმდა 186 ობიექტი, აღწერილ იქნა 3158 ოჯახი. დევნილთათვის საცხოვრებელი ფართების გადაცემაზე მასალები მომზადდა და გადაიგზავნა 1150 ოჯახზე. საკუთრებაში ბინები გადაეცა 530 ოჯახს.

დევნილთა გრძელვადიანი განსახლებისა და საცხოვრებელი პირობების გაუმჯობესების მიზნით, ქ. ქუთაისში, ოცხელის ქ. N2-ში და ქ. ზგდიდში, რ. ლალიძის ქ. N4-ში ახალაშენებულ კორპუსებში საცხოვრებელი ფართებით დაკმაყოფილდა 411 დევნილი ოჯახი. ასევე, განხორციელდა ქ. კასპში, სააკაძის ქ. N110-ში (ყოფილი საავადმყოფო) და ქარელში, ვაჟა - ფშაველას ქ. N117-ში (ყოფილი პროფტექნიკუმი) მდებარე რეაბილიტირებულ შენობებში 36 დევნილი ოჯახის გრძელვადიანი განსახლება.

სოციალური დახმარების სახით, ფინანსური დახმარება გაეწია 711 დევნილს, ასევე სხვადასხვა ნგრევადი და შეჭრილი ობიექტებიდან უკიდურესად გაჭირვებულ 350 ოჯახს - საცხოვრებელი ფართების დაქირავების მიზნით (ყოველთვიურად 200-დან 300 ლარამდე);

განხორციელდა კერძო საკუთრებაში არსებული 1 ობიექტის გამოსყიდვა - სულ 11 ბინა;

2008 წლის 6 აგვისტოდან რუსეთის ფედერაციის მიერ საქართველოზე განხორციელებული სამხედრო აგრესიის შედეგად 5 549 დევნილი ოჯახისთვის იანვარსა და თებერვალში მოხმარებული ბუნებრივი აირისა და ელექტროენერჯის ხარჯების ასანაზღაურებლად ყოველთვიური ლიმიტი განისაზღვრა 50 ლარით;

რეაბილიტირებულ ობიექტებში დევნილთა გრძელვადიანი განსახლების ღონისძიებების დასრულებამდე განხორციელდა ობიექტების დაცვის მომსახურების შესყიდვა.

სხვადასხვა სახის სარეაბილიტაციო სამუშაოები ჩაუტარდა 45 ობიექტს ქ. თბილისის მერიასთან თანადაფინანსებით.

დევნილთა გრძელვადიანი განსახლების მიზნით, განხორციელდა რეაბილიტირებული და ახალაშენებული შენობების ელექტროენერჯის, გარე საკანალიზაციო, ბუნებრივი აირისა და წყლის სისტემების მიერთება და მოწყობა.

თბილისსა და საქართველოს სხვა რეგიონებში მდებარე შენობების სარემონტო-სარეაბილიტაციო სამუშაოებთან დაკავშირებული საპროექტო-სახარჯთაღრიცხვო დოკუმენტაციის შედგენა-მიწოდების მომსახურების შესყიდვა;

დევნილთა გრძელვადიანი განსახლების მიზნით, შეძენილ იქნა ქ. თბილისსა და საქართველოს სხვადასხვა რეგიონში 71 საცხოვრებელი სახლი.

მიმდინარეობს მენაშენებისაგან საცხოვრებელი ბინების შეძენა ქ. თბილისში, ც. დადიანის ქ. N7-ში და კალაუზნის ქ. N22-ში, ქ. ქუთაისში, შმიდტის ქუჩის N2-ში, გიორგი ბრწყინვალეს ქ. N2-ში და ერისთავის ქ. N7-ში მდებარე საცხოვრებელი კორპუსებიდან. ასევე, გრძელდება ქ.თბილისში, ახლადაშენებულ კორპუსებში, ჩინური კომპანია „ჰუალინგ ჯგუფისგან“ დევნილთა გრძელვადიანი განსახლების მიზნით ბინების შეძენა.

რეაბილიტირებულ შენობებში განხორციელდა ელექტროენერჯის, გარე საკანალიზაციო და წყლის სისტემების მიერთება და მოწყობა.

დასრულდა ქ. ახალციხეში, რუსთაველის ქ. N113-ში, ზუგდიდის მუნიციპალიტეტში, სოფელ ზედა ეწერში კოტეჯი N5-ის, ქ. მცხეთაში: სოფ. წინამძღვრიანთკარში (პროფტექნიკუმის შენობა) N1, N2, N3 კორპუსების, აღმამენებლის ქ. N21-ში (სასტუმრო მცხეთა), ქ. თელავში, სოხუმის ქუჩაზე (ყოფილი გვარდიის შენობა), ქ. ბოლნისში, აღმამენებლის ქ. N4-ში (ყოფილი გეოლოგების ს/ს), ქ. ხაშურში, რუსთაველის ქ. N38-ში, ქ. თბილისში: ფეიქრების ქ.

N8-ში, თბილისის ზღვის მიმდებარე ტერიტორიაზე, კადეტთა N1, N5 და N6 კორპუსების, ჟორესის ქ. N7ა-ში (ავტოსარემონტო საწარმო) და N13-ში (საქგაზმშენის შენობა), წყნეთი მ. წყნეთელის შესახვევში, კოტეჯი N19-ის, წმინდა ბარბარეს ქ. N29-ში, ერისთავის ჩიხში (ტექნოსერვისის შენობა), ვარკეთილის N3ა-ში 327-ე კორპუსის, უნივერიტეტის ქ. N6-ში (ყოფილი სასტუმრო „ამირანი“) მდებებარე შენობა-ნაგებობებში.

მიმდინარეობს: ქ. ხაშურში, სააკაძის ქუჩა N2-ში, ქ. ქუთაისში, შერვაშიძის ქ. N53-ში და ქ. ქუთაისში, ავტომშენებლის ქუჩაზე მდებებარე შენობა-ნაგებობების სამშენებლო-სარეაბილიტაციო სამუშაოები.